

Broj: 03-02-761/2021
Sarajevo, 03.06.2021. godine

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Priljeno: 04-06-2021			
Org. jed.	Broj	Priloga	Vrijednost
01.02	- 02 -	1285	129

**PARLAMENT FEDERACIJE
BOSNE I HERCEGOVINE**

- Predstavnički dom -
gosp. Mirsad Zaimović, predsjedavajući

- Dom naroda -
gosp. Tomislav Martinović, predsjedavajući

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 172. stav (1) Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i članom 164. stav (1) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), **radi razmatranja i usvajanja po skraćenom postupku, dostavljam Vam PRIJEDLOG ZAKONA O IZMJENAMA I DOPUNI ZAKONA O JEDINSTVENOM SISTEMU REGISTRACIJE, KONTROLE I NAPLATE DOPRINOSA**, koji je utvrdila Vlada Federacije Bosne i Hercegovine na 268. sjednici, održanoj 03.06.2021. godine.

Prijedlog zakona se dostavlja na službenim jezicima i pismima Federacije Bosne i Hercegovine u printanoj i elektronskoj formi (CD).

S poštovanjem,



PREMIJER

Fadil Novalić

Prilog: - Prijedlog zakona na bosanskom jeziku,
- Odredbe Zakona koje se mijenjaju,
- Obrazac IFP-DA
- Obrazac broj 2 i
- Zakon o Jedinostvenom sistemu registracije, kontrole i naplate doprinosa („Službene novine Federacije BiH“, br. 42/09, 109/12, 86/15 i 30/16) (CD).

**Cc: Federalno ministarstvo finansija-
Federalno ministarstvo financija
gđa Jelka Milićević, ministar**

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**ZAKON
O IZMJENAMA I DOPUNI ZAKONA O JEDINSTVENOM SISTEMU
REGISTRACIJE, KONTROLE I NAPLATE DOPRINOSA**

Sarajevo, juni 2021. godine

PRIJEDLOG ZA DONOŠENJE ZAKONA PO SKRAĆENOM POSTUPKU

Predlažemo da se Zakon o izmjenama i dopuni Zakona o Jedinostvenom sistemu registracije, kontrole i naplate doprinosa, donese po skraćenom postupku, u skladu sa članom 172. stav (1) Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20)) i članom 164. stav (1) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), koji predviđaju da se zakon može donijeti po skraćenom postupku kad nije u pitanju složen i obiman zakon.

**ZAKON
O IZMJENAMA I DOPUNI ZAKONA O JEDINSTVENOM SISTEMU
REGISTRACIJE, KONTROLE I NAPLATE DOPRINOSA**

Član 1.

U Zakonu o Jedinstvenom sistemu registracije, kontrole i naplate doprinosa („Službene novine Federacije BiH“, br. 42/09, 109/12, 86/15 i 30/16), u članu 3. u tački 7., riječi: „Zakonom o doprinosima (”Službene novine Federacije BiH”, br. 35/98, 54/00, 16/01, 37/01, 1/02, 17/06 i 14/08)“, zamjenjuju se riječima: „zakonom kojim se uređuju doprinosi“.

U tački 9., riječi: „Zakonom o radu (”Službene novine Federacije BiH”, br. 43/99, 32/00 i 29/03)“, zamjenjuju se riječima: „zakonom kojim se uređuje oblast rada“.

U tački 10., riječi: „Zakonom o radu“, zamjenjuju se riječima: „zakonom kojim se uređuje oblast rada“.

U tački 15., iza riječi: „ličnim sredstvima“ dodaje se zarez i riječi: „JS3320 Prijava uplaćenih doprinosa za lica osigurana po drugim osnovama“.

Član 2.

Ovaj zakon stupa na snagu narednog dana od dana objavljivanja u “Službenim novinama Federacije BiH”.

O B R A Z L O Ž E N J E

PRIJEDLOGA ZAKONA O IZMJENAMA I DOPUNI ZAKONA O JEDINSTVENOM SISTEMU REGISTRACIJE, KONTROLE I NAPLATE DOPRINOSA

I. USTAVNI OSNOV

Ustavni osnov za donošenje Zakona o izmjenama i dopuni Zakona o Jedinstvenom sistemu registracije, kontrole i naplate doprinosa sadržan je u članu III.1 tačka c) Ustava Federacije Bosne i Hercegovine, koji je izmijenjen amandmanima VIII, LXXXIX i CVI i članu IV.A 20.(1) d) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i fiskalna politika Federacije BiH, a Parlament Federacije BiH uz ostala ovlaštenja predviđena Ustavom, odgovoran je za donošenje zakona o vršenju dužnosti u federalnoj vlasti.

II. RAZLOZI ZA DONOŠENJE ZAKONA

Osnovni razlozi za donošenje Zakona su:

Obrazac „Prijava uplaćenih doprinosa za lica osigurana po drugim osnovama“ koji se odnosi na prijavljivanje uplaćenih doprinosa za istaknute samostalne umjetnike iz budžeta kantona, u skladu sa posebnim kantonalnim propisom, nije do sada bio propisan, što je stvaralo određene probleme prilikom ostvarivanja prava iz osnova penzijskog i invalidskog osiguranja. Predloženom dopunom Zakona ovaj problem se eliminira. Inicijativu za dopunu Zakona, u vezi sa prijavljivanjem uplaćenih doprinosa za istaknute samostalne umjetnike iz budžeta kantona, podnijela je Miomirka Melank, poslanica u Predstavničkom domu Parlamenta Federacije BiH.

III. USKLAĐENOST PROPISA S EVROPSKIM ZAKONODAVSTVOM

Predmet uređivanja ovog Zakona nije usklađivanje sa propisima Evropske unije. Ne postoje direktive i uredbe EU koje reguliraju ovu oblast.

IV. OBRAZLOŽENJE POJEDINIH ODREDBI

Član 1. (član 3. tačka 15. Zakona)

Dopunom se propisuje nedostajući Obrazac JS3320 „Prijava uplaćenih doprinosa za lica osigurana po drugim osnovama“. Navedeni obrazac će biti objavljen u Pravilniku o podnošenju prijava za upis i promjene upisa u Jedinstveni sistem registracije, kontrole i naplate doprinosa. Preduslov za objavu predmetnog obrasca u navedenom Pravilniku je da se u tački 15. člana 3. Zakona propiše da se isti smatra mjesečnom prijavom podataka o doprinosima.

Član 2.

Odnosi se na stupanje na snagu Zakona i objavljivanje u “Službenim novinama Federacije BiH”.

V. FINANSIJSKA SREDSTVA

Za donošenje ovog Zakona potrebna su dodatna finansijska sredstva iz Budžeta u iznosu do 50.000,00 KM.

ZAKON
O JEDINSTVENOM SISTEMU REGISTRACIJE, KONTROLE I NAPLATE
DOPRINOSA

(„Službene novine Federacije BiH“, br. 42/09, 109/12, 86/15 i 30/16)

Tekst odredbe koja se mijenja (prečišćeno)

Član 3.

U smislu ovog Zakona, termini koji se u njemu koriste imaju sljedeće značenje:

1. **Jedinstveni sistem registracije, kontrole i naplate doprinosa** (u daljem tekstu: Jedinstveni sistem) je administrativno-tehnički sistem prema kojem se vrši registracija, kontrola i naplata doprinosa i prikupljanje podataka od obveznika uplate doprinosa i osiguranika;
2. **Informacioni sistem Jedinstvenog sistema** (u daljem tekstu: Informacioni sistem) predstavlja sređeni skup metoda, procesa i operacija za prikupljanje, čuvanje, obradu, prijenos i distribuciju podataka Baze podataka Jedinstvenog sistema Porezne uprave, uključujući tehničku opremu koja se u te svrhe koristi;
3. **Baza podataka Jedinstvenog sistema** (u daljem tekstu: Baza podataka) je jedinstvena evidencija o svim obveznicima uplate doprinosa i osiguranim licima, podacima neophodnim za kontrolu i naplatu uplate doprinosa i podacima za ostvarivanje prava na osnovu obaveznog i dobrovoljnog osiguranja;
4. **Korisnici Jedinstvenog sistema su:** Federalni zavod za penzijsko i invalidsko osiguranje, Zavod za zdravstveno osiguranje i reosiguranje Federacije Bosne i Hercegovine, Federalni zavod za zapošljavanje (u daljem tekstu: vanbudžetski fondovi), Porezna uprava i Federalni zavod za statistiku;
5. **Subjekti upisa u Jedinstveni sistem** (u daljem tekstu: subjekti upisa) su obveznici uplate doprinosa i osigurana lica, kao i obveznici uplate doprinosa i osigurana lica sa područja Brčko Distrikta Bosne i Hercegovine (u daljem tekstu: Brčko Distrikt) koji su se opredijelili za uplatu doprinosa i korištenje prava kod Federalnog zavoda za penzijsko i invalidsko osiguranje.
6. **Doprinosi** su novčani iznosi koje je obveznik uplate doprinosa dužan plaćati vanbudžetskim fondovima u skladu sa propisima kojima se reguliraju uplate obaveznih i dobrovoljnih doprinosa;
7. **Obveznik uplate doprinosa** je svaki poslodavac, odnosno pravno ili fizičko lice uključujući pravno i fizičko lice sa područja Brčko Distrikta koje se opredijelilo za uplatu doprinosa i korištenje prava kod Federalnog zavoda za penzijsko i invalidsko osiguranje koje je obavezno ili dobrovoljno osigurano i koje je obavezno vršiti obračun, obustavu i uplatu doprinosa u skladu sa Zakonom o doprinosima ("Službene novine Federacije BiH", br. 35/98, 54/00, 16/01, 37/01, 1/02, 17/06 i 14/08) i zakonima kojima se uređuje penzijsko i invalidsko osiguranje, zdravstveno osiguranje i osiguranje u slučaju nezaposlenosti;
8. **Osigurana lica su:** 1) lica koja su obavezno ili dobrovoljno osigurana u skladu sa zakonima kojima se uređuje penzijsko i invalidsko osiguranje,

- zdravstveno osiguranje i osiguranje u slučaju nezaposlenosti (u daljem tekstu: osiguranici) i 2) druga lica osigurana po drugom osnovu;
9. **Zaposlenik** je fizičko lice definirano u skladu sa Zakonom o radu ("Službene novine Federacije BiH", br. 43/99, 32/00 i 29/03);
 10. **Poslodavac** je pravno ili fizičko lice definirano u skladu sa Zakonom o radu;
 11. **Fizičko lice - poduzetnik** je lice koje obavlja djelatnost u svoje ime i za svoj račun radi sticanja dohotka;
 12. **Identifikacioni broj poreznog obveznika** je jedinstveni identifikacioni broj koji Porezna uprava dodjeljuje svakom poreznom obvezniku;
 13. **Lični identifikacioni broj** je jedinstveni broj koji Porezna uprava dodjeljuje svakom osiguranom licu upisanom u Jedinstveni sistem;
 14. **Prijava za upis u Jedinstveni sistem** je svaka prijava koja se podnosi u svrhu unošenja podataka i svih naknadnih promjena evidencija u Jedinstvenom sistemu;
 15. **Mjesečnom prijavom podataka o doprinosima** smatraju se obrasci: MIP-1023 Mjesečni izvještaj o isplaćenim plaćama, ostvarenim koristima i drugim oporezivim prihodima zaposlenika od nesamostalne djelatnosti, plaćenim doprinosima i akontaciji poreza na dohodak, PMIP-1024 Pojedinačni mjesečni izvještaj o isplaćenim plaćama, obračunatim i uplaćenim doprinosima i porezu na dohodak od nesamostalne djelatnosti (koji čine sastavni dio Pravilnika o primjeni Zakona o porezu na dohodak); JS3300 Elektronski obrazac za doprinose koje vanbudžetski fondovi plaćaju u ime svojih osiguranika; JS3310 Prijava uplate doprinosa za dobrovoljno penzijsko osiguranje i zdravstveno osiguranje ličnim sredstvima (koji čine sastavni dio Pravilnika o podnošenju prijave za upis i promjene upisa u Jedinstveni sistem registracije, kontrole i naplate doprinosa); 2002 Specifikacija uz uplatu doprinosa poduzetnika i 2002-A Specifikacija uz uplatu doprinosa poduzetnika sa prebivalištem u Republici Srpskoj i Brčko Distriktu BiH koji samostalnu djelatnost obavljaju na teritoriji Federacije BiH (koje čine sastavni dio Pravilnika o načinu obračunavanja i uplate doprinosa);
 16. **Uvjerenje o registraciji** je javna isprava koju svakom obvezniku uplate doprinosa izdaje Porezna uprava i kojim se potvrđuje da je osiguranik upisan u Jedinstveni sistem;
 17. **Uvjerenje iz Jedinstvenog sistema** je javna isprava koju izdaje Porezna uprava na godišnjoj osnovi, odnosno na zahtjev subjekta upisa, a sadrži traženi podatak koji se nalazi u Jedinstvenom sistemu.